

Das

III

blat

*Cornf Pal.
R. Dux
Bairer
700 eph*

Aber i dem hochzeit am
zinstag vor dem eingeende
jar da zoch ein der durchlei-
chtend curfürst herzog lu-
dewig von bayren pfalze-
graf bey rein vnd herz zu
heydelberg mit vierhunde
pferden vnd souil personen
vnd acht wägen vnd zoch
in jacob schwarzen haush
am vischmarkt vund dar-
nach in des von frydingen
thumhof hinder dem myn-
ster vnd belaid darinn bis
das er von costenez rayte
Sein wappen ist hyenach
gemalet am clyxij blat

den vnd so vil personen vñ
mit vier wägen. Sin wap-
pen vndest hyenach an de
clyxij blat

Nach dem zwelfften tag
da zoch ein der durchleüch-
tend fürst herzog ludwig
aus der schlesy an de künig-
reich zu boland vñ in heim-
rich hütters haush auff den
blatten mit zweyhundert
pferden vnd souil personen
vnd wägen vund manet
man er wär sant Elizabe-
ten der witwen vund sant
wenzelaus geschläch
Sein wappen vndest hye-
nach am clyxiij blat

L. Dux Englisie

200 eph

*frid
marchio
Brennbirg*

In dem selben hochzeit
vor dem zwelfften tag do-
rayt ein 8 hochgeborn für-
ste fridrich burggraff von
Nürenberg an stat vnd in
namen des fürstenthumes
zu prandenburg des er dan
statthalter was vund das
curfürstenthumb jm dar-
nach gelihen warde als her-
nach geschriben stat vund
zoch in heinrichs von tetti-
konen haush an dem vische-
markt genant zu dem ho-
henhaush vnd belaid darinn
das Concilium auß vund
kam mit vierhundert pfer-

Auch zoch ein der grof-
herz Strobor auß boland
herz in windischen landen
zwischen märhern vnd bo-
land an dem wasser dz mā-
nennt den bag vnd hatt in-
nen fünff stett an dem was-
ser trünsch plunsch vnger-
schbrat die weissen kilch ga-
lies vnd die freien stat mit
hundert vnd zehen pferden
vund mit dreyen wägen.
vnd zobe in haugen flachē
haush daz zu nyderost an de
markt stat vor dem kauff

*Mag⁹
Strobor polony*

110 eph

400 eph